



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Patriarchae Hierosolym. & Canonicis Dominici Sepulchri.

urn:nbn:de:hbz:466:1-20006

transmissas in nostro & fratrum nostro-
rum auditorio recitari: in quibus conti-
nebatur expressum, quod in Cisterciens.
Capitulo, in multorum religiosorum &
aliorum presentia, signum vivificę crucis
acceperas, vovens pro amore Iesu Chri-
sti ad partes accedere transmarinas.
quod tamen post edictum peremptorium
à te procuratum constitit esse factum.
Et licet ipsi Canonici sæpius reclamarent
quod in expectando plus debito grava-
rentur, sententiam tamen nostram us-
que in vigilia Nativitatis Domini pro-
ferre distulimus, credentes quod tu ve-
nires, vel saltem sufficientem mitteres
responsalem. Quantumcunque verò no-
bis sit molestum te in aliquo molestari,
quia tamen nobis incumbit ex injunctę
administrationis officio corrigenda cor-
rigere, & reformare in melius quę circa
Ecclesiarum statum noscuntur minùs
licitè attentata, volentes etiam in judiciis
juris ordinem observare, habito cum fra-
tribus nostris super negotio ipso consi-
lio, te pro contumacia manifesta & dila-
pidatione vulgata, quam non solum ad
aures nostras fama publica detulit, im-
mo etiam Archiepiscoporum, Episcoporum,
& aliorum religiosorum virorum
testimoniales literę demonstrarunt, te ab
administratione totius Lingonen. epis-
copatus, tam in spiritualibus, quàm in
temporalibus, omnino suspendimus; au-
thoritate tibi presentium injungentes
districtiùs, ut suspensionem proceus in-
violabiliter observare. Volentes autem
(nisi fortè cedere fortè malueris, quod
saluti tuę magis credimus expedire)
causam quę inter te & dilectum filium
Decanum Lingonen. pro Ecclesia verti-
tur, super dilapidatione & insufficientia,
& aliis multis injuriis & gravaminibus
per te ipsi Ecclesię irrogatis, examina-
ri celerius, & canonico fine decidi, (ne,
si fuerit diutiùs prorogata, cadat irre-
parabiliter Ecclesia Lingonen. quę jam
videtur ex parte maxima cecidisse) ip-
sam venerabili fratri nostro Parisien. Epis-
copo duximus committendam; per apo-
stolica tibi scripta mandantes quatenus,
cum ab eo fueris requisitus, ipsius adire
presentiam non postponas, responsurus
objectis, & objecturus quę volueris con-
tra Decanum agentem pro Ecclesia me-
morata. Si verò de utriusque partis vo-
luntate processerit quod per ipsum Epis-
copum diffinitiva sententia proferatur,

ipse auditis hinc inde propositis, & asci-
tis sibi viris prudentibus, quos tanto ne-
gotio cognoverit expedire, causam ip-
sam sine canonico terminabit. Alioquin
gesta utriusque partis redacta in scriptis,
& sigilli sui munimine roborata, ad præ-
sentiam nostram transmittet, præfigens
partibus terminum competentem, quo
recepturę sententiam nostro se conspe-
ctui repræsenterit. Interim autem per
dictum Parisien. Episcopum de procu-
ratore idoneo Lingonen. Ecclesię præci-
pimus provideri. Datum ut supra.

Scriptum est super hoc Episcopo Parisien.

*PATRIARCHÆ HIEROSOLYM.
& Canonici Dominici Sepulchri.*

Quanto Antiochenam & Hieroso-
lymitanam Ecclesias purius diligi-
mus & intendimus amplius honorare,
tanto ad amovenda ea quę inter ipsas
controversię atque rancoris cujusdam
scrupulum pariunt, diligentius intende-
re volumus, ac quęstiones earum judi-
ciali calculo diffinire, ut earum sopita
discordia, servent ad se invicem mutuę
dilectionis affectum, & in suis sibi curent
necessitatibus subvenire. Sanè cum inter
prædictas Ecclesias super Tyren. & Pe-
terten. archiepiscopatus quęstio fue-
rit diutiùs agitata, quę, sicut ex literis
felicis recordationis Lucij Papę præde-
cessoris nostri didicimus, vobis & præ-
decessoribus vestris quodammodo per
negligentiam procurantibus finem non
potuit debitum obtinere, cum perem-
ptorio multoties fueritis evocati, ac idem
prædecessor noster bonę memorię præ-
decessori tuo, frater Patriarcha, cum
proficisceretur in Galliam, mandaverit
viva voce ut vel sufficientem responsa-
lem transmitteret, vel ipse rediret ad
ejus presentiam responsurus; quia idem
Patriarcha mandatum apostolicum non
implevit, dictus prædecessor noster utri-
que parti peremptorium terminum assi-
gnavit; ad quem, sicut accepimus, nec
venistis, nec misistis idoneos responsales.
Quia verò, quantumcunque Hierosoly-
mitanam Ecclesiam diligamus, quantum-
cunque etiam vobis & ipsi velimus in in-
stanti necessitate deferre, quia tamen
Antiochenę Ecclesię justitię deesse
non possumus, nec debemus, quę etiam
non est Sarracenię persecutionis immu-
nis, licet aliud statuere contra vos de ju-

*Epist. 101.
Hierosoly-
mitanum Patri-
archam hunc
ut Antiocheno
Patriarcha de
certis quęstis
satisfacere, vel
causam contra
Pontificem Ro-
mano profe-
quatur.*

ris rigore possemus, necessitatem tamen terræ orientalis diligentius attendentes, discretioni vestræ per apostolica scripta mandamus & districtè præcipimus quatenus à festo omnium sanctorum proximo venturo usque ad annum, quod vobis peremptorio assignamus, ad respondendum sufficienter instructi, nostro vos conspectui præsentetis per sufficientes & idoneos responsales. Quod si nec ad præsentiam nostram accesseritis termino constituto, nec transactioni steteritis quæ per felicis recordationis Eugenium Papam prædecessorem nostrum inter eandem Ecclesiam intercessit, vel aliàs cum venerabili fratre nostro Patriarcha & dilectis filiis Canonicis Antiochen. curaveritis convenire, nos, concedente Domino, sicut justum fuerit, procedemus. Datum Laterani III. Nonas Ianuarij.

FRATRIBVS MILITIÆ Templi.

I Vstis petentium &c. usque ad verbum assensu, stagnum de Cucullo cum omnibus pertinentiis suis, & totum mansum de Granoliis, quæ à Fulcrando Magalonenfis Ecclesiæ Præposito de consilio & assensu venerabilis fratris nostri Magalonen. Episcopi rationabiliter comparastis, sicut ea justè ac pacificè possidetis, & in venditionis scripto continetur, devotioni vestræ auctoritate apostolica confirmamus, & præsentis scripti pagina communimus. Statuentes ut nulli &c. Datum Laterani IV. Nonas Ianuarij.

COMMENDATORI & fratribus domus militiæ Templi sitæ apud Montem Pessulanum.

E A quæ de mandato sedis apostolicæ concordia vel iudicio statuuntur, firma debent & illibata consistere, & ne in recidivæ contentions scrupulum relabantur, apostolico convenit patrocinio communiri. Sanè cum controversiam quæ inter vos & dilectos filios G. Præpositum & Capitulum Magalonen. super diversis capitulis vertebatur, bonæ memoriæ Celestinus Papa prædecessor noster venerabili fratri nostro Archiepiscopo Arelatensi commiserit sine canonico decidendam, ipse, tanquam vir providus & discretus, partibus in sua præsentia constitutis, communicato multorum consilio, controversiam ipsam ami-

cabili compositione sopivit. Nos itaque ad exemplar ejusdem prædecessoris nostri, compositionem ipsam, sicut ipsa sine pravitate facta est & ab utraque parte recepta, & in instrumento authentico exinde confecto plenius continetur, ratam habentes & firmam, eam auctoritate apostolica confirmamus, & præsentis scripti pagina communimus. Et ut majorem obtineat firmitatem, ipsam de verbo ad verbum huic præsentis paginæ duximus inferendam, cujus tenor talis est. **I** N N O M I N E Domini nostri Jesu Christi. Anno incarnationis ejusdem MCXCVII. mense Aprili. Cùm omne profuturæ rei stabilimentum, ne transeunte tempore evanescat, literarum oporteat testimonio præsignari, præsentium & futurorum memoriæ per hujus præsentis paginæ instrumentum dignum fuit demonstrare quòd causa quæ inter Guidonem Præpositum & Capitulum Magalonen. ex una parte, & P. de Caprespina Commendatorem domus militiæ Templi sitæ apud Montem Pessulanum & fratres ejusdem domus ex altera parte, super multis & variis capitulis, videlicet super oblationibus, vigiliarum perceptionibus, cæmeterij obventionibus, decimis, Ecclesiarum novarum constructionibus, possessionibus, damnis, injuriis, & invasionibus, & aliis multis querelis, coram Domino Hymberto Dei gratia Archiepiscopo Arelaten. à Domino Celestino bonæ memoriæ Papa tertio delegato hinc inde vertebatur, post multas & varias contentiones & altercationes ab eodem Archiepiscopo amicabili compositione de utriusque partis assensu, & auctoritate Deodati de Breifaco tunc temporis Magistri domorum militiæ Templi in Narbonen. & Arelaten. & aliis provinciis, in hunc modum fuit decisa. Prædictus itaque Archiepiscopus, assidentibus ei magistro Michaële Arelaten. Sacrista, P. Alberto causidico Aquensi, magistro Nicolao, R. de Montiliis, P. Petito, communicato eorum & utriusque partis consilio definiivit quòd de cetero Prior sancti Firmini & Canonici Magalonen. tertiam partem omnium oblationum denariorum, candelarum, panis, vini, & aliorum, cujuscunque modi sint, sive sint oblatae ad manum sacerdotis, sive ad altare in Ecclesia domus prædictæ, integrè & sine diminutione percipiant. In præcipuis ve-

Epist. 506. Ceterum bonorum auctoritate apostolica confirmat.

Epist. 507. Transactionem inter ipsos & Præpositum atque Capitulum Magalonen. olim in eam confirmat.